



Sarajevo, 24.05.2024.

**PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE**
n/r predsjedavajućeg

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
ПРЕДСТАВНИЧКИ ДОМ
САРАЈЕВО

24-05-2024		
Број посланичког питања	Родни број	Број прелога
01-	50-1-	1034/24

U skladu s članom 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15, 78/19, 26/20, 53/22, 59/23 i 87/23) postavljam sljedeće

ПОСЛАНИЧКО ПИТАЊЕ

- Šta je do sada učinjeno od strane Tužilaštva Bosne i Hercegovine na osnovu Izvještaja o preduzetim mjerama i radnjama Državne agencije za istrage i zaštitu koji se odnosi na saznanja da se u sastavu određenih preparata koji se proizvode na području Bosne i Hercegovine, kao i preparata koji se uvoze u Bosnu i Hercegovinu, nalazi CBD i THC, odnosno aktivne supstance biljke Cannabis sativa L čija je upotreba zabranjena Zakonom o sprečavanju i suzbijanju zloupotrebe opojnih droga, a koji je Agencija dostavila Tužilaštvu 11.9.2023. godine?*
- U kojoj je fazi postupanje Tužilaštva po ovoj prijavi i koji su dosadašnji rezultati istog, posebno iz razloga što se i dalje u slobodnoj prodaji mogu kupiti navedeni zakonom zabranjeni proizvodi?*

Образложење:

U odgovoru na moje poslaničko pitanje od 21.9.2023. godine stoji da se Agencija za istrage na osnovu informacija da se u apotekama i raznim trgovinama širom Bosne i Hercegovine, kao i na pojedinim internet stranicama prodaju proizvodi na bazi kanabisa koji su uvezeni u BiH pod nazivom *suplementi ili dodaci prehrani*, obratila Federalnom ministarstvu zdravstva, Ministarstvu zdravlja i socijalne zaštite Republike Srpske kao i Ministarstvu vanjske trgovine i ekonomskih odnosa Bosne i Hercegovine te svim kantonalnim inspekcijama, nadležnoj inspekciji Republike Srpske, Federacije BiH i Brčko Distrikta BiH poduzeli određene korake obrativši se nadležnim ministarstvima kao i nadležnim kantonalnim i entitetskim inspekcijama od kojih ste tražili da izvrše inspeksijski nadzor u apotekama, trgovinama i drogerijama

U odgovoru je između ostalog navedeno i da su određene inspeksijske službe kontrolom utvrdile koji proizvodi sadrže određene supstance te ko su uvoznici navedenih proizvoda, da je utvrđeno da se pojedini proizvodi uvoze u BiH dok se pojedini proizvodi koji sadrže navedene supstance proizvode u BiH te da provjerom jedne Internet stranice sa „ba“ domenom kao i Internet stranica pojedinih apoteka koje posluju u BiH utvrđeno da se preko navedenih stranica mogu kupiti proizvodi koji u svom sastavu imaju aktivne supstance *Cannabis sativa L.*

Dalje je u odgovoru navedeno sljedeće: „U skladu sa navedenim, Državna agencija za istrage i zaštitu je, dana 11.9.2023. godine, dostavila Tužilaštvu BiH Izvještaj o preduzetim mjerama i radnjama koji se odnosi na saznanja da se u sastavu određenih preparata koji se proizvode na području Bosne i Hercegovine, kao i preparata koji se uvoze u Bosnu i Hercegovinu, nalazi CBD i THC, odnosno aktivne supstance biljke *Cannabis sativa L* čija je upotreba zabranjena Zakonom o sprečavanju i suzbijanju zloupotrebe opojnih droga.

Imajući u vidu navedeno, predložili smo da se u Tužilaštvu BiH sa postupajućim tužiocem održe sastanci sa predstavnicima Agencije za lijekove Bosne i Hercegovine, Uprave za indirektno oporezivanje Bosne i Hercegovine, kantonalnih i federalnih inspekcija, Federalnog ministarstva zdravstva, Ministarstva zdravlja i socijalne zaštite u Vladi Republike Srpske, s ciljem dogovora u vezi sa daljim aktivnostima i preduzimanja određenih mjera kako bi se spriječilo nastupanje štetnih posljedica po zdravlje ljudi, te preduzimanje daljih mjera i radnji na dokazivanju eventualno počinjenog krivičnog djela iz člana 195. Krivičnog zakona Bosne i Hercegovine „Neovlašteni promet opojnim drogama“.

Pitanje postavljam glavnom tužiocu Tužilaštva Bosne i Hercegovine.

Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine BiH.

Poslanik SDP BiH
Saša Magazinović

